

Arkiv: FA-U01
JournalpostID: <jplD> 20/20074
Saksbehandlar:
Dato: 19.04.2020

Saksframlegg

Saksnr.	Utvalg	Møtedato
027/20	Utval for næringsutvikling og drift	29.04.2020

Søknad til næringsfondet - CG Labs Innovativ - datafangst og analyse

Rådmannen sitt framlegg til vedtak:

- Prosjektet «Innovativ datafangst og analyse» blir tildelt 900 000 kr frå Næringsfondet over ein prosjektperiode på 2 år, 450 000 kr i 2020 og 450 000 kr i 2021.
- Utval for Næringsutvikling og drift vil vere ei styringsgruppe for prosjektet på vegne av kommunen, som er pilotpartner i prosjektet.
- Utvalet ber at rådmannen signerer innovasjonskontrakten (FoU-avtalen) med CG Labs slik at særvilkår for tilsegn frå Innovasjon Norge blir oppfylt.

Utval for næringsutvikling og drift 29.04.2020:

Behandling:

Utvalet handsama saka for "lukka dører". (Offl. §13.1)

Utvalet vedtok samrøystes rådmannen sitt framlegg.

ND- 027/20 Vedtak:

- Prosjektet «Innovativ datafangst og analyse» blir tildelt 900 000 kr frå Næringsfondet over ein prosjektperiode på 2 år, 450 000 kr i 2020 og 450 000 kr i 2021.
- Utval for Næringsutvikling og drift vil vere ei styringsgruppe for prosjektet på vegne av kommunen, som er pilotpartner i prosjektet.
- Utvalet ber at rådmannen signerer innovasjonskontrakten (FoU-avtalen) med CG Labs slik at særvilkår for tilsegn frå Innovasjon Norge blir oppfylt.

Politisk handsaming

Saka skal til innstilling i Utval for Næringsutvikling og drift

Bakgrunn

CG Labs AS er etablert i 2019 i Knarvik, som eit søsterselskap til Iris Group Nordic AS. Selskapet har på søknadstidspunktet fire tilsette og planlegg for ein vekst i omsetning og tilsette gjennom heile prosjektperioden.

CG Labs AS er ein sjølvstendig eining i ei global industriell gruppe med ca 3000 tilsette.

Resultat frå prosjektet med Alver kommune på testing og utprøving vil seinere kunne takast i bruk i internasjonale marknader der gruppa har verksemd i dag. Søsterselskapet (Iris Group Nordic AS) har i hovudsak retta seg mot inspeksjon av ulike former for infrastruktur (ei rekke

kraft-/nettselskap, rammekontrakt med Bane Nor om inspeksjon av Bergensbanen, ei veksande oppdragsmengde for kommunal sektor – samt ulike former for dokumentasjon av bygningsmasse (særleg termisk kontroll og 3D-modellering av objekt). CG Labs AS driv med FoU-arbeid på vegne av heile denne gruppa og skal spesialisere seg mot innovasjon og nyvinningar i både teknologibruk og metodikk, mens Iris Group Nordic AS vil fortsetje sine rutinebaserte operasjonar og oppfylling av forpliktingar overfor kundar i offshoresektoren, energisektoren og offentleg sektor.

Saksopplysningar:

Alver kommune har inngått ein intensjonsavtale (vedlegg 2) med CG Labs for å delta i eit utviklingsprosjekt for uttesting av droneteknologi og eit nytt teknologisystem for tekniske og geomatisk tenester (drone og sensorteknologi), analyser i kritiske drifts- og vedlikehaldsoppgåver i kommunen.

Utviklingsprosjektet har fått tilsegn på 3,3 mNOK i stønad frå Innovasjon Norge, med eit særvilkår at prosjektet kan dokumentere ei kontantfinansiering på 3 mNOK til Innovasjon Norge. CG Labs vil bidra med 1 mNOK av eigne midlar i prosjektet under føresetnad at Alver kommune bidrar med 2 mNOK som ein pilotpartner i prosjektet.

Alver kommune har allereie avsett midlar gjennom budsjett for teknisk drift og vedlikehald, nokre midlar frå prosjekt og kultur. Stønad frå Næringsfondet vil gjere at prosjektet klarer å oppfylle kravet til kontantbidrag og innfri vilkår frå Innovasjon Norge for utbetaling av tilsegn.

Ut over kontanttilskotet skal Alver kommune bidra med eigne timar verd NOK 1 000 000 i prosjektperioden. Desse timane må først i formel prosjektrekneskap, og timesatsen som vert godkjent er 12 promille av årsløn for den einskilde. Denne timerekneskapen skal leggjast ved halvvegsrapport og sluttrapport til Innovasjon Norge.

Prosjektet har allereie gjennomført ei rekke «pilotprosjekt for kommunen innanfor tenesteområde brann og redning, kultur, plan, drift og vedlikehald av offentlege bygg.

Pilotprosjekta har demonstrert ei forbetring og innsparing av kommunale oppgåver og tenester gjennom bla:

- Spart tid
- Sparte kostnader
- Høgare kvalitet i arbeidet
- Betre tryggleik (HMS)

Ei viktig målsetting er å etablere eit ferdig utvikla teknisk system som etter prosjektperioden skal kunna takast i bruk av kommunen sine eigne fagfolk.

Vurdering

- Prosjektet fell innanfor dei godkjende vedtektene for Næringsfondet
- Prosjektet vil stimulere til ny teknologi og nyskaping i ein sterkt veksande marknad for ny digitalisering- og visualiseringsteknologi
- Prosjektet vil bidra til at Alver kommune (på sikt) kan gjennomføre kostnadsreducerande tiltak på ei rekke driftsområde i kommunen

Vedlegg i saken:

21.04.2020	Vedlegg_ 1 CG Labs søknad Næringsfondet	1375249
22.04.2020	CG Labs - intensjonsavtale - Sak 2019-112875 Signert LOI	1376083

- Iris Group Aero - Alver kommune 2019-08-19 16.13.31
(1) (L)(65090)